

այո երկու ծնունդն կարի քաջ միաբան . եւ մինն ի սոցանէ գերազանց եւ տրիտուր ըստ առաքելոյ , զոր անհնարին էր օրինաց . Աստուած զորդին իւր առաքեաց ի նմանութիւն  
 20 մարմնոյ եւ այլն :

Բեր տեսցուք զմիաբանութիւն ծննդոցն .  
 զինչ որ աշխատութեամբ ծննդենէ վարժապետաց զնմանութիւն մօրն ունի : Նախ մայրն  
 յետ սաղմառութեան քառասուն օր դիակիր  
 25 չրջի . նոյնպէս եւ վարժապետն իմ երբ յանձն էառ զիս՝ դիակիր էի առաջի իւրն միայն աշակերտ ձեւացեալ : Երկրորդ զի յետ քառասուն աւուրն տղան շնչաւորի եւ հոգիանայ յարգանդ մօրն . նոյնպէս եւ ես փոխանակ  
 30 հոգւոյն՝ առի հրաման վարժապետէն իմոյ ընթեռնոյ զիրք մարգարէից . որպէս ասէ .

Կոչումն եղեալ աշակերտին  
 Որպէս տղայն մօրն յարգանդին .  
 Քառասնօրեայ դիակիրին  
 35 Առեալ հոգի բանականին :  
 Այսպէս կոչիլ աշակերտին  
 Ընդ միանալ վարդապետին .  
 Ձեռօքն ընծայ շնորհեալ հոգին  
 Մարգարէից տառա նոցին :

40 Երրորդ զի մայրն տղան ինն ամիս յարգանդին կրէ . նոյնպէս վարժապետն իմ փոխանակ ինն ամսոյն ինն աստիճան երանու-

17 գերեզանց B : — 20 մարմնու B : — 29 նոյնպէս hnu կը սկսի A : — 38 ձեռօք B ընծայն որհեալ A :